

Загъсчирин нертä диилвр

Хаврин путин төгсэд, мана тангъгчин загъсна промышленностин кōдлчир болн Кōк тенгсин загъсчир эврәнн кōдмши күч-кōлснā дигинь кеджәнā. Эн джилн хаврин путин загъсчирт онц темдгтā болв: эдн. орн-нутган загъсар тетклин тōлā шундж кōдлснā ашдн ик диилвр күцв.

Июнин нег шинд Каспийск района колхозмуд загъс бәрлгнā түрүн өрāl джилā зурагъан 166 процент күцāv. Государствд кесг минггн центнер сән зүйсн загъсн зурагъас давулдж орулдж өггдв. Колхозмуд зурагъан давулдж күцāsнā ашдн эднā мōнгнā орунь өсдж, колхозмуд эдл-ахугъарн батрдж, цаарандан өсдж-өргджд ик аргъ гарчана, загъсчирин джиргълин тегд ясрд шин ишкдл кегдв.

Путинд күцсн диилвр—района партийн. советск болн эдл-ахун организац загъс анъиллгнā кōдлчиг гардигъан ясрусинь, цуг загъсчир зурагъан күцāхин тōлā шунмгъагъар дōрдā делгрүлдж, ноолда кесинь үзүлв. Эднā цугтанн күчār путинд белдлгн урд-касн сāнār, бүрдāмджтā кевār кегдв. Үлгүрн. болзгасн урд бел кегджд ставной шүүгүлмүд — 43, реюшке — 93, тенгсā хоогъс — 53 гарсн. Савмудиг, шүүгүлмүдин болн реюшксн звеносиг амтār диглгн урдасн кегджд батлгдв. 700 шаху загъсчир путин секгдлгнлā загъс бәрлгнā кōдлмшт дегц гарцхав.

Хаврин путинā түрүндн кинтрād, мōснā аюл болад зōвār зовлн-түрү харгъад, загъс анъиллгнд харшлт болв. Тер бийн дамшлтар гавшун Кōк тенгсин загъсчир ноолдана диилвр бәрдж гарцхав. Загъсчириг ницүлдж омгшлсн чидлн — партийн-политическ кōдлмш, коммунистр болн комсомольцнр даалгъврта газртн йовдж, үлгүр үзүлдж кōдлчāsн болв гидж заахмн. 170 шаху коммунистр болн комсомольцнр тенгсет, кōдлмшин гүдүдн йовцхав.

Коммунистр болн комсомольцнр загъс анъиллгнā кōдлмшт дōрдā делгрүллгиг йоста, өргār бүрүлж, цуг загъсчириг шунмгъагъар орцулхд онц оньган тусхацхав. Майн нег шиниг уктдж болсн дōрдāн ик диилвр өгв. Эн өдрмүдт ставной шүүгүлмүд 300-400 центнер күргджд загъс бәрцхāдж йовб, комбинатд зārм өдрмүдт 3-4 минггн центнер загъсн ордж ирād бāāv.

Тенгсет партийн организац политическ цāалгъвр өргār кедж, загъсчириг аль бис тоотарн тетклгнд оньган тāvцхāv. Загъсчирин бригадст, звеност зу шаху лекцс, докладмуд умшгдв, 1800 гар күүндвр, газет умшлгн кегдв, 70 боевой листок гаргъгдв. Районд дōрдāнā

дигинь кедж. 4 дакдж бюллетень гаргъгджд. 2000 экземпляр тархагдв. Тенгсет кино, концерт үзүлгджд йовб, тенгсин савмудт 113 радио, 81 библиотек кōдлджāv.

Хаврин путинā кōдлмшт делгрсн дōрдāн күч-кōлснā олн героймуд гаргъв. Загъс бәрлгнā зура күцāхин тōлā ноолданд ард хоцрджд үлдсн улс үзгдсн уга. Тегд чиги, ставной 43 шүүгүлмүдās 38-н джилā зурагъан күцāv, өрāl джилā зурагъан цугтан давулдж күцāv. Нерн туургсн, тоомсрта загъсчирин зерглāнд 5 джилā шаху зура күцāsн үр К. Аубекеров, джилā зурагъан 300 процент давулдж күцāsн үр А. Умбеталиев, даалгъвран хойр холван давулсн үр Б. Халгаев, реюшкин звеновод үр Басангов, загъс авдг савин сүүлч үр Бембеев, нань чиги олн улс йовхинь заадж болхмн.

Ончта күч-кōлснā дигār Прикаспийск загъсна комбинатин коллектив путиниг бас төгсāv. Түрүн өрāl джилн зурагъан 225 процент, джилā зурагъан 107,5 процент күцāгъад, района дамдждж өггддг улан туг авб.

Загъсчирин күцсн үзмджтā диилврār мана тангъгчин күч-кōлсчир цугтан байр кедж, теднā неринь туураджана. Хаврин путинā дигн тангъгчин загъсна промышленностиг цаарандн хурдар өскджд, батлдж болх ик аргъ манд бāахиг үзүлджәнā. Энүнā тōлā загъс бәрлгнā болн белдлгнā кōдлмшт тōрүц сулдвр гарх зōв уга, бāрсн диилврār өргдждүлхин тōлā хооран хārлгн угагъар ноолдхмн.

Каспийск загъсчир джил чилтл олн минггн центнер загъс зурагъасн давулдж орн-нутгт орулдж өгч чадх эв-аргъан күцдн олзлдж чадх зōвтā. Колхозмуд, МРС, комбинат ода цаг түдлгō намрин путинд белджд, эн кōдлмшт загъсчирин болн кōдлмчирин шунмгъагъинь, цуг чидл-күчинь тусхах, партийн болн профсоюзн организац политическ болн бүрдāмджин кōдлмшāн өргār кех — эн тоотд онц килмдж өггджд, ода күцāгдх зōвтā.

Намрин путинд белдлгнā кōдлмшт онц онг савмуд ясхд өггдхмн. Комбинатд болн МРС-д эвдркā савмуд, шинās күцāдж кедж гаргъх савмуд олн. Ода ясврин кōдлмш кех бригадст урчуд, конопатчикүд, дархн улс цуглулдж, цаг үрālгō ясвр өклхмн.

Путинд белдлгнā кōдлмш партийн-советск организацсин сулдхвр уга килмджд бāах зōвтā. Тнигджд намрин загъс анъиллгнā цагт күч-кōлснā улм ик диилвр күцхиг теткх — даалгъврта тōрмүдин негн болдж күцāгдхмн.